

**Naalakkersuisut siulersuisunut, sinniisoqarfinnut imaluunnit assigisaannik
ataatsimoortumik siuttoqarfinnut ilaasortanik toqqaanerminni arnat angutillu
naligiissinnissaat siunertaralugu Arnat Angutillu Naligiissitaanissaat pillugu
Inatsisartut inatsisaata nr. 7, 11. april 2003-meersup allanngortinnejarnissaa
pillugu Naalakkersuisut peqquneqarnissaannik Inatsisartut aalajangiiffigisassaattut
siunnersuut.**

(Inatsisartuni ilaasortaq Naaja Nathanielsen, Inuit Ataqatigiit)

Akissuteqaat.

(Isumaginninnermut Naalakkersuisoq Maliina Abelsen)

Siullermeernera.

Inuit nukissaasa piginnaanerisalu inuiaqatigiinnut iluaqtaasumik atorneqarnissaat Naalakkersuisuni pingaartipparput, ilanggullugulu arnat angutillu ineriarneermut tapertaanissamut peqataanissamullu naligiimmik peqataanissaannut sinaakkusiussat qulakeernissaat pingaartillutigu.

Naligiissitaanermut inatsisip iluarsaqqinnissaata pisariaqartinneranik siunnersuuteqartup isumaqarnera Naalakkersuisut isumaqatigaat. Suliffeqarnermut attuumassuteqartuni illuatungeriit suliffimminni suaassutsinik naligiissitaanerup atortussangortinnissaanut akisussaaffiisa inatsisini nalunaarutigineranut oqaaseqatigiiliorerit assersuutigalugu "sapinngisamik" aamma "tamanna attuumassuteqartillugu" nalinginnaasumik atorneqarput. Suliffeqarfiiit pisortanit pigineqartut aamma namminersortut anguniakkaminnut naligiissitaanerup ilaatinissaanik nalinginnaasumik eqqarsartannginnerat tamatuma kingunerisimavaa.

Naalagaaffiit Peqatigiit ataatsimiitaliaanni CEDAW-imi (Arnat Assigiinngisitaanerisa Pitsaaliorneqarnissaannut Ataatsimiitaliaq) Kalaallit Nunaat 22. juli 2009-mi nassuaatinneqarpoq, CEDAW-imik isumaqatigiisummut Kalaallit Nunaat qanoq malinninersoq nassuaatigissallugu. Tamatuma malitsigisaanik CEDAW-ip inaarutaasumik oqaaseqaaammini inerniliussaminilu innersuussutigaa, Kalaallit Nunaanni naligiissitaanermut tunngasuni tunaartalimmik periusissiussasugut, arnallu pissusiviusutigut angutinut naligiissitaanissaasa piviusunngortinnissaanut sukkanerulersitsisunik isumaqatigiisummi artikel 4 § 1 naapertorlugu iliuuseqassasugut innersuussutigalugu. Tullianilu piffissap aalajangersimasup nalunaarusiarinerani arnat aqutsisuniittut siulersuisuniittullu pillugit naatsorsueqqissaarnikkut paasissutissanik annertunerusunik nassiussinissarput qinnuteqaatigalugu.

Arnat siulersuisuni sulisinnaanerat sunniuteqaqataasinnaanerallu Naalakkersuisuni nukittorsaavigerusupparput. Tamatumani naligiissitaanerup aamma kikkut tamarmik oqartussaaqataanerisa tunngaviginerat kisiisa eqqarsaatigineqanngillat, aningaasarsiornikkulli ineriarneq aamma pineqarluni. Soorlu siunnersuuteqartup tikkuarraa, assersuutigalugu naleqartitanik piginnaasanillu allanik arnat tunniussaqarsinnaapput, taamaasiornikkullu periusissanik suliffeqarfinnik siuarsasussanik aalajangiinerit assigiinngiiaarnerusunik tunngavilersorneqarsinnaalersillugit. Assigiinngissutsit imminnut noqiffiattut ittumi ineriarneperup nutaaliorerullu pilersarnera aallaavigigutsigu, meeqqat naligiit pinnguaqatigiilluarnerusarnerannik oqartarneq aallaavigalugu suliffeqarfiiit siulersuisunik inuttalersuissagutta iluaqtaassanngilaq.

Ulluni 12.-13. oktober 2010 ataatsimeersuarnermi "Board Impact – Leveraging Diversity" (Siulersuisut Sunniutaat – Assigiinngiaassutsit Oqimaaqatigiissinnerat) Oslomi ingerlanneqartumi peqataavunga, amerlassusiliineq pillugu inatsisinik norgemiut misilittagaat tusagaqarfiginiarlugit. Amerlassusiliineq pillugu inatsisini siunertaq pingaaruteqartoq tassarpiaavoq Norgemi siulersuisoqatigiaat assigiinngiaarnerisa siuarsarnissaat, ineriertornissamut nutaaliornissamullu tunngavissat nukittorsaaviginiarlugit. Piginnaanillit tamarmiusut isiginiarneqarnerulernissaat aamma kissaatigineqartut ilagaat, aammattaaq arnat piginnaanillit nassaarinissaannut siuarsarnissaannullu aqqutissanik nutaanik ujartuinissaq kissaatigineqartut ilagalugu.

Maanna naliliinerit misissueqqissaarnerillu takutippaat norgemi amerlassusiliinermut inatsisit assigiinngiaassutsimut pitsasumik sunniuteqarsimasut, piginnaanillillu amerlanerusut pigineqalersimallutik, taakkualu norgemiut suliffeqarfisa siunissami iluaqtigisinnaavaat. Norgemi amerlassusiliinermut inatsiseqarnerup malitsigisaanik ullumikkut nunat arlaqartut pineqartumi inatsisiornissaq sulissutigilerpaat. Maani nunatsinni suliffeqarfifit Namminersorlutik Oqartussanit pigineqartut oqaluuserigivut, nunani allani suliffeqarfifit namminersortunit pineqartut ilanngullugit oqaluuserineqarput.

Ullumikkut arnat angutinit amerlanerusut qaffasinnerusumik ilinniagaqartarput, taamatullu ineriertornera ingerlaqqiinnartutut isikkoqarpoq. Kalaallit Nunaat suliffeqarfitsigut nunarsuarmioqatitsinnut unammillersinnaassappat, piginnaasallit 50 procentii kisiisa isiginiaassagutsigit iluaqtaanngilaq. Arnat piginnaasallit isiginiarnerulernissaat pingaaruteqarpoq, arnanillu amerlanerusunik inuussutissarsiornerup iluani siuttooqataarusutsitsilersunik pissarsiornermut periutsinik nutaanik pikkorissarnissamullu neqeroorutinik ineriertortitsinissaq pingaaruteqarluni.

Ullumikkut arnat siulersuisuni sulinermik angutitulli misilittagaqartigingillat, angutimmi inuussutissarsiornermi siuttutut malunnaateqartuarsimagamik. Taamaattumik ilorraap tungaanut ineriertortitsilersunik suliniuteqartariaqarpugut, piginnaasallit tamaasa atorlugit. Aporfiit ileqquliussallu arnat inuussutissarsiornermi siuttutut inissinnissaannut ajornartorsiortitsisut piiarneqartariaqarput. Ineriertornerup pisariaqartinneqavissup aallartinnissaanut amerlassusiliinermik inatsit tamatumunnga atatillugu sukkatsisaataasinnaavoq.

Taamatut oqaaseqarluta Naalakkersuisut siulersuisunut, sinnisoqarfinnut imaluunniit assigisaannik ataatsimoortumik siuttoqarfinnut ilaasortanik toqqaanermanni arnat angutillu naliignerunissaat qulakkeerniarlugu siunnersuutip akuersissutigineqarnissaa Naalakkersuisut innersuussutigaat.